

新修京山縣志序

維楚為荆九州之一也禹貢曰荆



域天文曰翼軫分野而郢則楚之西塞

京山則倚衆山以為固者也然天下山

川民物載之圖記詳矣其間分合異同

因時以為聚散因時以為變遷亦因時

序一

而有盛衰焉如舜肇十有二州封表十

有二山濬導十有二州之川至商則為

九圍九有周禮職方氏列為九州曰揚

荆豫青交雍幽冀并而無徐梁營是十

二州而復合為九州也此分合之所繇

始而圖記書史勢亦不得不分合異同

於其間而為聚散為變遷為盛衰豈不

以其時也哉蓋時遠世殊賴有賢君子

起而修明之太史公曰詩記山川谿谷

禽獸草木牝牡雌雄春秋文成數萬其

指數千萬物之聚散皆在春秋而又能

辨其是非後世有世紀有圖書皆詩書

序二

之餘風而春秋之遺意也自秦取天下

而郡縣之壞名城銷鋒刃籙語燒書杜

虜士橫議而置九州于莫可考其間文

章風俗地紀悉歸秦人之一炬而灰劫

焉吁秦亦太酷矣迨漢唐晉宋以及宋

元明更易錯盪不勝具舉而分合聚散

變遷盛衰之故又不特十二州爲尤顯而已也自秦以後郡邑無史而有郡邑志此史之變也熊自癸丑奉

命三月渡河而蒞斯邑邑居衆山之中環

顧蕭然民物樸陋山城晝陰庭草萋萋槐根空瘦解宇傾欹頽垣廢井之間非

序三

屋無幾城不逾尋水不盈尺而民欲饑社讀法于其間不亦隘乎嗚呼猶是東山也禹貢商周爲荊州之域周又爲鄭子之國猶是京山也楚爲郊郢秦爲南郡漢及魏晉爲雲杜劉宋南齊爲新陽南魏後周爲溫州而隋爲京山猶是京

山也唐乾元爲州鎮二百二十餘年開元將相名臣如刺史杜正倫司馬裴造庭輩又不勝屈指五代宋元明皆因之而

國朝亦不易焉于是登高縱觀而邇無遠形水則江漢滄浪潛沱曲水三筵七

序四

皆灑森澄碧日夕吞噓而呼吸無盡者山則大洪天門五萃荆門靈鷲紫蓋內方以及大別皆崇嶺挺拔其于水聲山色恍然見禹功之大而始知京邑有倚山懷水之固此唐時州鎮之所繇設也然就京邑人才言之春秋敬王之世伍

員將敵師入郢覆楚。京人申包胥者乞
師于秦。泣七日。而秦王爲賦無衣。遂復
六千餘里之地。全黎而歸諸楚。其聲稱
與日月爭光。胥也者。楚一人而已。其左
史倚相春申君之儔。能不望而卻步乎。
至今包胥廟食京山。則京邑無負于楚

序五

矣。若夫隱逸游寓。則有嚴光孟郊之流
人才輩出。文章蔚起。故今四山蒼蒼草
木高寒。俗尚沉毅。而有節概者。皆諸君
子之遺風也。抑山川靈氣使然乎。然而
地瘠民貧。勤于畊作。歲苦隄患。而工後
煩于修築。且繼之以災祲。邑斯弊矣。于

是下車之始。卽周視池隍堤塍。水之
激衝。噴奔潰騰。浩凡二十餘處。而隣邑
之同患者。舊有派修派濟。與京山風馬
而歲協。夫數萬老弱。竭蹶不遑。壯者疲
于奔命。京實爲之大困。而死傷枕藉。賒
以無窮之累。因急爲請命。當事者聞而

序六

憫焉。是以獲免。其邑之應築應修者。則
又悉心畢慮。爰率土人。挾畚幹負土木
積旬累月。繕築堅厚。視昔加固。而得踈
糞其流。蓋以今日之京山。欲用其力于
疲勞而能無怨讟者。庶幾深諒于邑之
先生長者焉。雖然。邑之貧瘠。非一日矣。

寇孽以來民幾不保。其得苟延于茲者亦幸也。夫邑既貧瘠。而爲之令者又勞其力而用之。何也。夫民勞則思。思則善心生。逸則滯。滯則忘善。所謂沃土之民不材。瘠土之民易干嚮義而啓其善。今天子聖明在上。四海咸歸版籍。邑乘因需

序七

明倫。其亦有鑒于春秋詩書之大義乎。龍也不敏。上自商周下逮

本朝其所以爲山川民物分合異同聚散變遷盛衰之故。邑之先生長者教之。非龍之力也。而請爲之序。雖然。何敢讓焉。

時

大清康熙十有二年中冬月長至日吉旦

文林郎知京山縣事遼陽吳游龍禹

門甫謨書



序八

凡例

一邑舊無志。自孫司徒始附安陸州志體裁嚴整。止成化間僅四卷。繼有王太僕志二十三卷。後與章邑令志十二卷。王志在章時已散佚。章志及今全書無存。殘編錯訛。茫無辨據。間有稽考。皆旁採他書。不無誤漏。以俟博識。

一舊志首通紀。事緒繁蔓。觀者眩焉。今首封域。以舉其綱。觀天察地。星野祥異。形勝里至。山川水

京山縣志

卷之一

焉。詳沿革。辨土風。皆輿地中事也。舊序星野於人物後。今正之。

一輿地既具。建置興焉。凡縣治內經畫規制。統攝其中。學校雖重。亦建置之一也。不另載。

一田地戶口。歷宋元明。漸遠初制。本朝裁併之後。去名存實。謹依全書。分別欸類。稍推事始。以備稽考。

一章志驛站。自明季至國初。為邑利害攸關。

一馬道詳列四盡。紳衿公呈五款。屢次釐剔。積弊盡除。既已勒石垂久。毋煩杞憂蛇足也。

一歲修隄防。利弊難以悉舉。謹按府志所載。有禪河防者。存之以備採擇。

一典禮係闔邑觀瞻。歷來儀注繁簡不一。今另編為志。以表一代之盛。

一邑長良吏。凡治績可傳。去有遺思者。據其事。實為傳。其見在者。依往例不書。

京山縣志

卷之一

二

一府志封爵從世表例。秩官制科從年表例。其歷歷詳畧。據原志所載。分注其下。今悉從之。

一人物紀載。求為可據。明季以來。俱照府志載。以年為序。至有孫從祖子從父。弟從兄之例。皆以秀誕一門。世濟其美也。

一孝子貞婦。風化攸關。凡一節可稱。據舊傳採錄。其見在者。例不書。

一文事武備。弁重武秩。武科宜端表。禦侮取節。俱

從類附

勝蹟丘墓俯仰今昔寺觀非秩祀也方外示異
遺事廣而故同志之

古今藝文必有裨政教及山川名勝公宇興置
者始為採入一二至鴻儒著述等身自有專集
在也

一書成計板若干字共若干藏縣庫載冊倘有假
借刷印因而私行鐫改者責在典守嚴加究辦

京山縣志

卷之一

三

禹門氏識



京山縣志目錄

舊序

圖

輿地志一

封域 星野 祥異 形勝 里至
山川 土產 沿革 風俗

建置志二

城池 關廂 公署 學校 使館 壇廟
街巷 坊表 舖舍 倉廩 驛站 橋梁
集市 郵政

賦役志三

田賦 戶口 起運 撥運 摘裁 存留
加增 蠲免 里甲 優免 更名地 屯田

京山縣志

卷之一

學田 隄防

典禮志四

朝賀 祭祀 公式

秩官志五

封爵 秩官 列傳

選舉志六

初科 監封 恩蔭

人物志七

軍績	誌行	孝行	隱逸	文苑
貞烈	方伎	旌高	仙釋	
武脩志八				
兵防	屯田	武秩	武科	
將畧	志變			
古蹟志九				
勝蹟	寺觀			
丘墓	遺事			
藝文志十				
奏疏	公移	賦	記	序
跋語	詩			文
目錄終				

京山縣志

卷之一

二

舊序

富水郡志序

宋

張聲道

古者封建諸侯。天下為列國。至秦始郡縣之。置
 宰以來。錯置州郡。唐興。盡易州名。鄂之為鄂。楚郊
 鄂之舊也。東走江淮。西通梁漢。南徑荆湘。北則馳
 騫乎陳蔡汝穎之郊。雖號為四通八達之地。而有
 石城。以為固。漢水。以為限。昔人因形便以置州。本
 事始以地名。蓋得之矣。楚始都郢。今江陵是也。後

京山縣志

卷之一

一

遷郢於壽春。而魏文帝亦嘗以荆之江北諸郡為
 郢州。然壽春之郢。終於復故。南郡之郢。旋即正名。
 郢之名雖四。而實一耳。惟劉宋以後。一彼一此。互
 別為州。名有東西南北之殊。地有江夏義陽淮安
 定城赤石安廣之異。道德不一。文軌不同。三光五
 嶽之氣散而無統。其分裂變置於南北之間。至有
 丁之三焉。迨唐始合為一。至乾元州名始定。迄今
 言鄂事者。乖戾錯雜。認鄂者十八九。指江陵

之。而於義陽淮安汝蔡先隨亦略取其二三也。
世襲說謬綿歷久遠。不知者類以爲真。而知者則
後曰春秋傳疑之義固當爾耳。信如所云。則古人
辨國正封之意果安在哉。郢舊有志其先出於編
是淳熙丙午張侯實來。見其踈略舛誤。舛焉甚不
庸也。已而與樸植僵條具貫整。暇乃命衆俊緝成
此書。凡爲十卷。分三十四門。細大畢載。顛末具舉。
分星所臨各有封域。而徐雍州楊南北互見故

京山縣志

卷之一

二

辨郢州。以次險之象天造地設而依山爲固彼此
弗類故辯石城。都邑郊鄙不宜混并也故辨二郭。
分疆對境安可錯雜也故辨章山。名跡事實必有
定所也故辨新市。於是名正言順。綱舉目隨。千載
訛謬一洗空之。侯於是州也日夜究心。恢張形模
革易敝陋。將去之日如始至。而是書之成蓋可見
其綱目。聲道敬歎之餘敢敘所以冠於篇首云。

安陸州志序

明戶部孫 交 郡人
尚書

郡邑志何始乎始於古也。古始於何時乎始於九
丘也。曷謂九丘。九州之志也。漢孔安國曰丘。聚土
土地所生風氣所宜皆聚於此書也。後世地志圖
經其皆權輿於此乎。交幼學時見郡志藁紙不悉
幅。獲見一統志爲天下志當略。又見湖廣通志
一省志猶略。後得富水志修於宋淳熙間。洪武中
增修富水志亦不傳矣。恒欲纂錄續以見開略傳
郡乘。顧先職事未暇。晚歸林下日以筆墨自娛。故

京山縣志

卷之一

二

第舊藁爲一十六卷。郡有衛事以類附屬邑京山
別爲四卷。總名之曰安陸州志。比例遵一統志與
纂修條目率不外乎土地之所生風氣之所宜焉。
今憲表聶公承之。前按荆襄既修襄志使節過郡
尤切注意。屬郡守王君下車留心政教欲考郡志
以爲因革之宜。知交嘗纂錄也。索藁至再始出與
章山提學沈君商訂。王君校正。君之勞實多。將刻
後王謂交曰。茲猶一郡之史也。請序諸篇端。交

古者列國皆有史官掌記時事。今車書一統。惟國有史。郡邑無史。謂之志者。紀事之書。非史也。他日修史者有恥於是焉耳。若效史體一字一言。抑揚褒貶。悉有書法。是以志爲史也。惟關於土地風氣。者。巨細不遺。美惡兼載。聊以備觀風者之採擇耳。交草創也。郭之後賢。必有能討論修飾而潤色者。加書此以俟。

京山縣志序

明太僕寺少卿王裕邑人

京山縣志 卷之一

四

京山舊無記籍。在南宋時附在富水郡志。富水本三山北境。故富水廢縣。縣省而名適爲郡所據。志無弗得爲京山韻也。國朝有一統志。通志正德間。有司徒有州志。並襲宋故事。以京山綴安陸而巳。嘉靖十年。州改府。十八年。巡省。奏章曠制。視昔彬。後年守臣請修典。都志詔顧尙書。璘聘格。格人。事。迺下屬邑。搜各志爲資。時格受幣未行。與韓

論江革。北孫司。下。增。之。送。書。局。於。

縣始有特籍。然冗外。不可。漢。學。官。未。有。以。傳。也。前數年。縣大夫鄧公合知格。嘗經始舉以相。會去弗果。今年春。縣大夫張公下車。甫期。政。通。多。戰。謂此事自關職。方不宜休。缺。更復見委。格辭不獲命。因與諸君。即故帙。編加哀。採自夏。徂冬。頗。煥。遂定著此書。噫。嗟。關。事。警。然。興。舉。非。張。公。沉練毅決。志扶義教。何能及此。顧格屠釣朽。謝述作。享帝。緘。后。知爲通識所。然以資巷塗之

京山縣志 卷之一

五

譚話庶幾或勝諸無爾。

京山縣續志序

明監祭 鄭友玄邑人

使君章公門世地高。以文學起家。爲京山令。三歲而政成。然後行山川。覽遺文。求包胥大夫。而後。事。差。次。之。盡。肅。皇。帝。三。十。九。年。而。土。田。職。貢。賢。烈。妖。祥。之。跡。不。復。可。觀。憂。之。召。玄。受。後。焉。玄。拜。手。言。曰。諺。有。之。不。煩。白。語。道。失。且。史。人。之。罪。背。直。敢。書。略。今。詳。略。詳。略。能。直。行。而。非。能。詳。詳。詳。

請世不故也請辭使君乃下科條修清問受諸牒
日月於庶姓而稱文新之書且成後遣吏馳視之
使正其疑脫之謹按漢後軍州最重京山起梁武
帝普通終唐肅宗乾元凡為州鎮者一百二十餘
年大業武德之間廢為縣僅十六年而後故貞觀
開元將相名臣如杜正倫之為州刺史裴光庭之
為州司馬皆以京山為署地劉煦書有政治之文
無遷徙之歲故承天新志之末曰數年京山舊志

京山縣志序

卷之一

六

之首曰未幾皆不及深考而盛事遂割於鍾祥然
鍾祥始為竟陵郡郡事實在鍾祥豈今景陵之所
能有哉此當辯者一京山介襄安隨後四帥之府
而負山懷水三國六朝五代南北之大故有剽掠
無降階即元末壬辰之亂群寇數至吏人扶携避
去高皇帝四年遣民不歸劉習之行縣宣新主恩
簪召來之耳錄此言之京山之為軍州鎮府者在
唐盛世民有安富之樂及廢為縣久之城不築地

不墜守具不設寇來不攻與村市無異與都既建
京山遂為重地無事則軒蓋接武有郵驛供給之
需有事則山陵守衛扼吭犄角之勢在焉此當詳
者一若文治小事如孟東野之為人庶立詩後高
寒備帙甚少而京山行古詩一旨不緣於前編此
當補者一以之閉戶寡聞所采獲推表止此耳懸
皆舊志中所宜具不足以贊使君草撰之辭使君
既錄之於前復盡第其所著八十年近業使之書

京山縣志序

卷之一

七

其首曰京山續志志矣續耳何為乎書之書之大
之也大之奈何六經惟易可無續他經皆續何續乎
續於史史與天地俱動動者不續則日月舟車血
氣之才與晝夜并逝可念也故禮樂勿論孔子以
詩與春秋續禹貢而班固已下諸子始有所據以
經五等之封合於郡縣遂通續為諸史諸史復錯
見為諸志我高皇帝初御即作大明志又十年作
通志又十餘年作洪武志凡一十餘年而為三書

管管聖人之志其實續之手續之...
聖人也自此已後一統典與都兩志之外...
不數見其大者或藏秘閣小者固時葺于諸...
志諸縣之志國史具焉今使君續一縣八十年...
事其間可備國史者非止一端上于府則與都...
續上于司則通志續上下朝則一統志續其功...
作者正等且史局未開起君記注而下訓誦無...
更有通敏之士日坐國門操三尺油素從上討

京山縣志

序

卷之一

八

憲吏訪郡邑方言以周知海內畜產盈縮民物...
利風俗滯憇之所委以上佐天子儆于有位詔...
民利及來茲幸甚否則求禮于野司土者皆能...
兵境內土田職貢贊烈妖祥之跡如京山焉足

京山縣續志序

明京山縣知縣 章聚奎

志者古史之遺也史推尚書春秋法度俱備而

襲徑分枝葉敷榮遂至蔓延充棟然其要惟

曰繫年一曰類分不必沿汗也孔安國嘗曰

繁亂剪絕汗詞舉其弘綱提其機要此言是矣

而謂孔子序書乃察其詞義疎畧而割裂舊文

奏百篇之數魯宣尼秉筆而若是乎賦硤洞真

蔡仲然黜之是不可與春秋並觀矣自後學

者若呂氏虞郡張蒼之徒體裁未全迺至司馬

而世之然則又明於類分而不明於繫年甚

史難言也若夫作傳而索米數字而輪絹其

東山縣志

序

卷之一

九

遂遜班范下操孤家每有之至畸人軼事灑

傳可勝道哉抑此猶爲圖籍凌襍者言耳未

越八十二載杳然中斷遺編幾泯而猶可以

欲俟攷古者也乃說者謂朝廷有一統志省



志郡有郡志雖邑乘少載庸何傷不知縣志

者一統志之所取也因時補救則尚經濟應


必難則論人才與世汚隆則驗風俗俾覽者

破厲之思將庶幾古備是賴汗圖不其重

京山縣志圖 卷之一



京山縣志 卷之二



京山縣志卷之一

知縣事遼陽吳游龍禹門甫

邑人王 演鹿柴甫

尚登岸未庵甫

盧前驥瞻齋甫全編

輿地志

繡壤分野畫井宅疆天垂象示后得全昌時代
綿邈山川鬱蒼瘠土民勞僕風俗康王道之昌

京山縣志 卷之一

厥觀於鄉志輿地一

封域

禹貢商制周職方皆荊州之域周爲雲子之國在楚
爲邾郢秦爲南郡地漢爲江夏郡之雲杜安陸二
縣境後漢分安陸立新市縣屬江夏之竟陵魏國
之晉初亦爲江夏郡之雲杜南新市之疆域惠帝
時二縣分屬竟陵郡齊又分新市新陽別屬安陸
郡宋晉通末乃以爲新州及梁寧郡治所西魏以

爲溫州又改新陽曰角陵改南新市爲富水郡仍

以縣屬焉周因之隋初郡廢縣屬安陸省盤陔縣

改角陵曰京山大業初以京山富水屬安陸郡唐

武德初以京山富水隸安州四年又以二縣屬溫

州貞觀十七年廢溫州京山富水盡屬郢州五代

仍唐制宋乾德二年廢富水入京山元因之屬安

陸府隸荆湖北道因兵亂移治漢濱至元十二年

還舊治明因之屬安陸州嘉靖十年改州爲承天

京山縣志 卷之一

府縣屬府 二

國朝順治三年改承天府爲安陸府縣仍屬焉

縣幅輿非廣然常爲國常爲州若郡又常爲縣

項帝 起王

周 俱爲 荆州城

春秋 鄭地

戰國 楚地 新市 楚地

